

## مسلسل منصور | الفورمولا و الصداقة S1 E7 Part 1

<https://www.youtube.com/watch?v=eNvESrXaLBE>

- ٠:٥٠  
مذيع: فريق الاعصار يتقدم للسباق  
طارق: يا ويلك لو نخسر  
مذيع: الفريقين جاهزين؟ الحين عيونكم على الليرات. من تستوي أخضر تضغطون على مقابض الاطلاق...  
بالتوفيق
- ٢:٢٠  
منصور: الله يستر  
نانو: اوو اشوفك مب على بعضك<sup>1</sup> اليوم  
منصور: انزين شو رأيك ألبس هاي ولا هاي  
نانو: مب ملاحظ ان الثنتين مثل بعض؟  
منصور: بس ماسك واحدة بايدي اليمنى والثانية بايدي اليسرى  
نانو: منصور جاوبني عدل، شو فيك اليوم؟  
منصور: المسابقة  
نانو: مال الاف ون سكول؟<sup>2</sup>
- ٢:٤٧  
منصور: هيه  
نانو: شو مشكلتها؟ مسابقة جميلة بتختبرون انت وربك قدراتكم في التصميم والتواصل  
منصور: هيه بس انا مب راضي عن الفريق  
نانو: رجعنا لموضوع طارق  
منصور: يا اخي انا وطارق ما نتفاهم. يعني الصراحة غصبونا عليه بالعافية<sup>3</sup>
- ٣:٠٨  
نانو: انزين شو بتسوي يعني، بتنسحب؟  
منصور: مستحيل أنسحب!  
نانو: عيل لازم تلقى طريقة تتواصل فيها ويا طارق عشان مصلحة الفريق  
منصور: اليوم بنشوف. عدنا<sup>4</sup> اجتماع للفريق في المدرسة عشان نورع المهام  
نانو: اكيد طارق بيكون مدير الفريق  
منصور: مستحيل، طارق عصبي  
نانو: هيه بس انت هادي ما شاء الله
- ٣:٤٢  
منصور: يا اخي لازم نختار مدير للفريق  
طارق: وطبعاً حضرتك الاختيار الأمثل للمنصب،<sup>5</sup> صح؟  
عبيد: تدرن شو؟ انا بستوي مدير الفريق  
طارق: ومتى ان شاء الله؟ لين ما تخلص السنديش؟ بتكون انتهت المسابقة  
منصور: يعني انت هاي هي شغلتك... تجلس تتطنز<sup>6</sup> على خلق الله<sup>7</sup> لا، ومحسب روحك أنت المدير  
طارق: أحسن منك على الأقل  
سالم: شو رايبكم تريجوننا من سوالفكم انت وياه ... وخلصنا نرسم في شيء لها قيمة، ما شيء وقت باقي للمسابقة  
والمفروض نورع الادوار. طارق انا اشوف أنك بتكون ممتاز كمهندس تصنيع  
طارق: بس انا  
سالم: ما بسمع منك ولا كلمة

1 you're not yourself : مب على بعضك<sup>1</sup>

2 F1 School

3 They made us do it by force

4 عدنا

5 And of course you're the perfect choice

6 Make fun of

7 God's creation

- منصور: منصور، انت تستلم أمور التصميم الكاملة من شعار<sup>8</sup> الفريق لتصميم السيارة. كل شيء  
منصور: بس كذي شغل واجد علي، يعني تصميم ورسوم؟  
سالم: لا مب واجد خل نانو يساعذك. تعترض،<sup>9</sup> تعترض، هذا اللي انت فالح<sup>10</sup> فيه. يعني لو يسوون الاولومبيات  
الاعتراض، بتحصل الميدالية الذهبية<sup>11</sup>
- ٤:٤٩  
سالم: عبيد، أنت مدير الموارد.<sup>12</sup>  
عبيد: اوكي  
سالم: مابي اعتراضات. نفذ، ثم اعتراض<sup>13</sup>  
عبيد: اوكي  
سالم: ولا كلمة  
الكل: يقول لك اوكي  
٥:٠٠  
عبيد: شو رايبك انت تستوي مدير الفريق؟  
طارق: انزين طالما وزعنا الأدوار بشوفكم باكر في المختبر  
منصور: بشوفك باكر، للأسف  
٥:١٤  
عبيد: وانا بكمل ساندويتشي  
٥:٢٩  
أستاذ علي: أهم شيء في التصميم الانسيابية عشان السيارة تكون أسرع. لازم نخفف مقاومة الهواء قد ما نقدر  
منصور: خلها عليّ، ان شاء الله بصمم سيارة خطيرة. بس المهم نقدر نصنعها  
طارق: خلك انت في تصميم السيارة الخطيرة مالك وخل التصنيع علي.  
أستاذ علي: انتوا الاثنين إذا بتمون كذي، ما بنشوف شيء.  
٦:٠٦  
سالم: آلة رهيبية، يدخلون التصميم عليها وهي تسوي الباقي  
عبيد: واو، يا ترا هالآلة ممكن تصنع لي وجبة دجاج مشوي مع بطاطا مقلية؟  
سالم: أقول لك آلة تصنيع سيارات، تقول لي وجبة دجاج مشوي؟  
منصور: هذا تصميمي المبدئي  
طارق: واو، واجد خطير  
٦:٣٦  
عبيد: شو هاي؟ يحطون فيها دقوس؟<sup>14</sup>  
سالم: عبيد، انت مرت عليك لحظة في حياتك ما فكرت في الأكل؟ هذه اسطوانة الغاز اللي تدفع السيارة  
٧:١٤  
طارق: وين سالم وعبيد؟  
منصور: الحين بيجون. راحوا السوق يشترون لبس للفريق.  
عبيد: ها، شو رايبكم؟  
منصور: لا لا لا لا لا، مب موافق بالمرة.  
سالم: مب مهم، انا مدير الفريق وقررت ان هذا هو لباسنا الموحد. وانت ليش تضحك؟ اندوك، هاي لك.  
طارق: إذا انت المدير، مب معناتها تسوي اللي على كيفك!  
طارق: الدنيا مب ماشية على كيفك، هذه الحياة، ما شيء بتقييم، ما بتقييم تبي تكون مدير الفريق، الدنيا مب بهالطريقة  
منصور: طارق، مب على كيفك، انت لازم تتعامل معنا و—نا، انت دايم تسوي اللي...  
٧:٥٣  
صقر: مستعدين للمسابقة؟  
منصور: لا بالمرة

<sup>8</sup> logo

<sup>9</sup> You don't accept, you refuse

<sup>10</sup> شاطر

<sup>11</sup> If they had an Olympics for refusals, you'd win the gold medal

<sup>12</sup> Things we need, supplies

<sup>13</sup> I don't want refusals. Execute it, then if you have refusals say them

<sup>14</sup> Hot sauce

صقر: وشو المشكلة؟  
منصور: طارق دايمًا يتمشكل معاي لأن هو اللي راح يصنع السيارة في النهاية، وسالم وعبيد ضايعين، مب عارفين حتى يختارون لبس للفريق. باكر بيزروننا السبونسور عسى يوافق ويدعم الفريق بس مادري، انا ابتديت أفقد الأمل.

٨:١٧  
صقر: منصور يا ولدي، في عمرك لا تفقد الأمل. كل واحد منكم بيبي الفريق يفوز. عشان كي لازم كلكم توثقون في اعماركم. أهم شيء الثقة. انت سوي اللي عليك. ولازم تثق انهم هم بعد بيسونون اللي عليهم.

٨:٤٣  
سالم: يا إخوان، لازم كلنا نتعاون عشان نحصل فرصة نفوز في المسابقة! اظن لازم نتسابق، هيه، خلونا نتسابق وننسى كل شيء في الحلبة.<sup>15</sup> فريقنا ممتاز بس خلونا ننسى كل شيء الحين ويلله، نقضي وقت حلو

٩:١٧  
سالم: اوكي شباب، خلونا نتسابق

١٠:٥٢  
مكتوب: يتبع.....